



SINDIKATA E POLICISË SË KOSOVËS
SINDIKAT KOSOVSKE POLICIJE
KOSOVO POLICE UNION

REFERENCË:	SPK-01/011/22	DATË:22.06.2022
PËR/ZA/TO:	z.Xhelal Sveçla Ministër i MPB-ë	
CC:	z. Samedin Mehmeti Drejtor i Përgjithshëm i Policisë së Kosovës	
PËRMES/PREKO/THROUGH:	Drejtëpërdrejt	
NGA/OD/FROM:	z.Imer Zeqiri Kryetar i Sindikatës së Policisë së Kosovës	
TEMA/SUBJEKAT/SUBJECT:	Kërkesë	



I nderuar z.Xhelal Sveçla-Ministër i MPB-së

Duke vlerësuar se Policia e Kosovës si institucion i sigurisë së vendit, është shumë e nevojshme që të mbështetet, po Ju drejtohem me këtë kërkesë për gjetjen e mundësive për të bërë sigurimin shëndetësor dhe jetësor për të gjithë punonjësit e Policisë së Kosovës.

Policia e Kosovës është e vetmja polici që në Rajon dhe më gjerë që nuk ka sigurim shëndetësor, kjo çështje është diskutuar shumë herë më parë si çështje me shumë prioritet për punonjësit e Policisë së Kosovës, por pa përkrahjen financiare nga Qeveria është e pamundur të realizohet.

Policia e Kosovës gjatë kryerjes së detyrave dhe autorizimeve policore përballet me rreziqe të drejtëpërdrejta për jetën dhe shëndetin, prandaj është ndër institucionet me rrezikshmërin më të lartë në shoqëri, si në aspektin e shëndetit ashtu edhe në aspektin e rrezikut për jetë.

Zyrtarët policor kanë autorizim të përdorimit të mjeteve dhe pajisjeve të rrezikshme gjithashtu për jetën dhe shëndetin. Zyrtarët policor i ekspozohen rrezikut në mënyrë permanente dhe të befasishme, situatat të tilla paraqiten gjatë përgjigjes në thirrjet e qytetarëve për ndihmë dhe ofrim të shërbimeve, intervenimit dhe reagimit në rastet e krimeve dhe incidenteve të ndryshme, fatkeqësive natyrore, aksidenteve në trafik, ballafaqimi me trazira dhe prishje të rendit dhe sigurisë publike në përmasa të mëdha, arrestimin dhe transportimin e personave me rrezikshmëri të lartë, zbatimin e masave të fshehta të hetimit dhe vëzhgimit, luftimi i krimit duke përfshirë krimin e organizuar, terrorizmin, narkotikët, kontrabandën me armë dhe mallra, trafikimin me qenie njerëzore, kontrolli dhe siguri i kufirit shtetëror, kërkimi dhe arrestimi i personave të arratisur, gjurmimi dhe zbulimi i materive helmuese dhe eksplozivëve dhe trajtimi i tyre, shpëtimi i pengjeve, rastet e kidnapimit, goditja e grupeve kriminale të organizuara, kërcnimeve me armë zjarri dhe materje tjera të rrezikshme etj. Rregullimi i aspektit të sigurimeve shëndetësore dhe jetësore për një kohë të gjatë ka qenë edhe peng i miratimit dhe zbatimit të Ligjit për sigurime shëndetësore si Ligji bazë për të gjithë qytetarët duke përfshirë edhe Policinë e Kosovës. Për shkak të ngecjes së zbatimit të këtij ligji, propozojmë që për shkak të nevojave imediate që ka Policia e Kosovës, duhet të gjendet një zgjidhje për organizatën tonë duke pasur parasysh specifikat dhe kushtet e punës në të cilat punon personeli policor.

Duke u bazuar në të dhënat që i kemi deri me tani, ne kemi një numër mjaft të madh të personelit policor të cilët kanë humbur jetën, kanë vdekur, janë lënduar apo edhe kanë probleme shëndetësore të theksuara deri në invaliditet. Deri me tani, në kryerje të detyrës zyrtare kanë humbur jetën njëzet e një (21) zyrtarë policor, kanë vdekur në detyrë treqind (300) zyrtarë, janë lënduar katërqind e njëzet e gjashtë (426) zyrtarë policor, janë sëmurë në detyrë dyqind e tridhjetë e shtatë (237) zyrtarë policor dhe pesëqind e njëzet e tetë (528) zyrtarë janë identifikuar me sëmundje të veçanta shëndetësore.

Mosha mesatare e personelit policor ka aritur në katërdhjetë e shtatë (47) vjet dhe për punën dhe kërkesat që kërkohen për zyrtarët policor në aspektin e aftësisë fizike dhe mendore është e vështirë për tu mirëmbjtur pa mbështetje shëndetësore të mirë dhe pa sigurim shëndetësor adekuat apo edhe pensionim të parakohshëm.

Në Policinë e Kosovës kemi rreth 9150 punonjës të rregullt duke përfshirë këtu zyrtarët e uniformuar dhe stafin civil.

Sindikata e Policisë së Kosovës ka takuar Drejtorin e Byros Kosovare të Sigurimeve me qëllim që të sigurojmë mënyrën dhe koston financiare për implementimin e sigurimit shëndetësor dhe jetësor për punonjësit e Policisë së Kosovës.

Gjatë analizimit të të dhënave kemi vlerësuar se me rreth pesë milion (5000000) euro në vit mund të bëjmë një sigurim shëndetësor për pjestarët e Policisë së Kosovës.

Nga oferta kemi kuptuar se është e mundur mbulimi i shpenzimeve për sigurim shëndetësor duke përfshirë: invaliditetin, hospitalizimin, shpenzimet mjekësore si pasojë aksidenti, trajtimet ambulatorë, medikamentet, shërbimet dentare, shërbimet optike, shërbimet e dëgjimit, shërbimet e maternitetit, transportet autoambulance etj. Ndërsa për sigurimin jetësor mbulimi i humjes së jetës natyrore dhe humbjes aksidentale të jetës.

Nëse nga Qeveria e Republikës së Kosovës ndahen mjetet e kërkuara prej pesë milion euro, për secilin vit në vazhdimësi, mund të bëjmë sigurimin shëndetësor dhe jetësor për pjestarët e Policisë së Kosovës.

Sigurimi shëndetësor për institucionin e vetëm të sigurisë në vend do të duhej të bëhej shumë vite më parë apo së paku nga shpallja e Pavarësisë së Republikës së Kosovës, prandaj është nevojë jetike që kjo të bëhet edhe tani si dhe do të ishte nder dhe respekt për Qeverinë e Republikës së Kosovës.

Andaj i nderuar Ministër, shpresojmë në mbështetjen Tuaj dhe të qeverisë së Republikës së Kosovës për alokimin e mjeteve në shumë prej pesë (5000000) milion euro, për të mbështetur Policinë e Kosovës për realizimin e sigurimit shëndetësor dhe jetësor.

Jemi të gatshëm të bashkëpunojmë dhe të bashkëveprojmë në jetësimin e projektit për sigurim shëndetësor dhe jetësor për pjestarët e Policisë së Kosovës.

Me respekt:

Imer Zeqiri

Kryetar i Sindikatës së Policisë së Kosovës

